

抄子集



91185

拙齋集

史行漢題



光緒壬寅楊柳心
以格晉在齋錄板

序

詩以道性情學詩者必本孔子教小子興觀羣怨
邇事父遠事君之旨試體詩以題馭我則不得不
以我馭題無所謂興觀羣怨也往往詩家輕之目
爲小道然工斯體者實難工而精之者尤非易易
國朝自金雨叔紀曉嵐兩先生開風於前吳穀
人祭酒振興於後九家七家眾美畢集極試帖之
大觀可謂工而能精之者矣洎乎坊本歧出日趨
凌雜學者見異思遷徒工襲積罔識法程而試體

拙齋外集

序

一

詩日壤沿至不可嚮邇以故臨場者目爲完卷具
文而已矣高君南星丹徒詩人也余偶遇諸揚州
城南與嘉善戴君玉生聯爲三友相唱和有日從
未一道及試帖其同里生有携其家書新報橘千
頭題詩來者蓋君早歲應試冠闈屬童子軍作也
余讀而心異之繼與論此體乃出所爲外集以示
且曰行將棄之余熟復玩味嘆爲絕倫如聚雨叔
曉嵐諸前哲於一室焉因力爭其不可棄歲乙未
余返衡陽與南星別今七載君復郵寄外集釐爲

上下二卷較前稿多所刪易學力益深體格益醇
精金百鍊可以出而問世矣余因之有感焉南星
古今體詩空靈宕逸自成一子尤長於五律嘗自
言其所得有憂憂獨造者觀其集時或遇之信非
虛語故賈餘勇以爲試帖超然湛然旨遠意清夫
豈從試帖中求試帖者耶余喜南星果從余言不
輕棄此體詩許其必傳於世爰濡毫而爲之序促
付諸梓光緒二十七年歲次辛丑春仲衡陽愚弟
莫重坤拜書於衡山之陽

拙齋外集

序

二

拙齋外集卷上

目錄

桂樹未花意自香

山出潤州城

暮煙秋雨過楓橋

家書新報橘千頭

波光搖海月

海旁蜃氣象樓臺

岸岸紅雲是蓼花

拙齋外集

卷上

目錄

有酒學仙

無酒學佛

杏花消息雨聲中

雨放一林新筍梢

蓮動下漁舟

晝長吟罷蟬鳴樹

江畔洲如月

牧童敲火牛礪角

馬上相逢無紙筆



晚來天欲雪

未隨埋沒有雙尖

荷錢

稻孫

姚黃魏紫

隔葉黃鸝空好音

刑期無刑

並坐不橫肱

畫虎不成反類狗

拙齋外集

卷上

目錄

鸚鵡誦經

蝨念阿房宮賦

牛觸牆成八字

不是花中偏愛菊

得月梅移影上窗

纔有梅花便不同

龍公試手行初雪

息夫人不言

李陵答蘇武書

李白長流夜郎

煙光凝而暮山紫

千古江山北固多

詩卷長留天地間

釣竿欲拂珊瑚樹

桃花雨

春草碧色

春水綠波

一枝紅杏出牆來

拙齋外集

卷上

目錄

林茂鳥知歸

首夏猶清和

綠陰幽草勝花時

黃梅細雨麥秋輕

團扇風前眾綠香

沙泉鹿迹新

檣燕語留人

獨騎瘦馬踏殘月

嵇琴阮嘯

冷露無聲濕桂花

飽去櫻桃重

歸馬春紅踏錦泥

蟹輸稻

山高月小

不隨黃鵠飛

半江紅樹賣鱸魚

還來就菊花

戶映花叢當下簾

拙齋外集

卷上

目錄

盡垂簾影隔春寒

二分春色在花朝

春寒花較遲

春來偏是桃花水

綠樹陰濃夏日長

樓臺倒影入池塘

聚蚊成雷

銀漢無聲接地流

雪聲偏傍竹

拙齋外集卷上

丹徒南星高壽昌長齡著

試體詩

桂樹未花意自香

桂稟陽剛性仙根自蘊香未花先賞去有意試參
將秀質胎絨赤深叢氣鬱蒼暮雲陰翳翳秋思露
灑灑靜者心知妙閒中味許嘗月輪圓處滿風信
昨來涼禪慧通從寂詩情引倍長會看金粟吐盈
手摘芬芳

拙齋外集

卷上

一出潤州城

城本依山建山多總抱城路從京口出地以潤州
名鐵甕雲常鎖金焦雨乍晴岡龍縣曼衍堞雉界
分明斷塔南朝寺巖疆北府兵道紆江郭迴勢狹
海門爭天塹朱方設鍾陵白下迎維舟揚子渡讀
畫又長征

暮煙秋雨過楓橋

路指楓橋近行蹤過後留煙痕雙屐暮雨意一林
秋落日滄江畔西風古渡頭朱闌窺隱約紅葉響

颺颺鶴步隨藜杖虹腰跨酒樓句剛青笠詠境訝
紫宸遊野闊墟初上天寒水自流記曾舟泊夜漁
火對人愁

家書新報橘千頭

憶別家園橘林泉悵久疎千頭新得報一介乍傳
書慰藉開緘後工夫種樹餘霜天齊結實雲水渺
離居詩和山中婢廚烹澤畔魚鄉音來遠道秋色
在吾廬袖底分携未燈前默誦初何時歸棹泛採
擇向庭除

拙齋外集

卷上

二

波光搖海月

不信江光動翻疑地軸搖滄波連巨海涼月照清
宵玉宇秋澄霽珠宮氣沈寥蒼茫千里共空闊一
丸跳雲水渾難定姮娥近可招星迴天倒影風起
夜初潮牛女剛臨鏡鮫人自織綃晏清逢

聖世虛籟譜瑛韶

海旁蜃氣象樓臺

驀地樓臺起都緣蜃氣噓海旁殊景象水國亦村
墟煙雨空濛際雲霞吐納初朱甍新結構丹級迴

凌虛縹緲峰非遠玲瓏畫不如境真彈指現仙定
上頭居時並帆張鸞雄爭鬣鼓魚三山纔識面風
伯莫驅除

岸岸紅雲是蓼花

極目雲鋪地都成一片紅江分楓樹豔岸沒蓼花
叢澤國秋光老山家夕照烘涼痕宜入畫火色儼
燒空鷓血啼煙際龍鱗曝日中不因香在水只道
影隨風蟹舍塞芳易魚莊卽景同天孫應見妒組
織抑何工

拙齋外集

卷上

三

有酒學仙

但有尊中酒能成世上仙放開浮白興學到鍊丹
年席地忘朝暮擎杯卽洞天長脩千日醉不老一
星懸落落人超俗飄飄客號顛蛻遺清是聖羽化
濁爲賢賞玩憑花月工夫種朮田詩豪兼劍俠同
調古今傳

無酒學佛

每笑逃禪者鬚眉愧丈夫佛姑從所好酒爲際其
無默坐成齋戒忘懷到市沽飯依蓮是界供養筍

爲廚衣鉢傳開士，觥籌冷舊徒。前生羅漢果，昨夢阮公墟。醒獨還清獨，今吾異故吾。解嘲存妙論，莫便老浮屠。

杏花消息雨聲中

難漏春消息，餘寒勒杏叢。豈知花信報，却在雨聲中。不斷生香樹，無私潤物功。瓊筵簪鬢待，茅屋賞心同。詩思句將起，樓頭聽未終。幾回探子細，一陣灑溟濛。屐響喧遊隊，鞭梢指牧童。

上林開爛漫，先被是和風。

拙齋外集

卷上

四

雨放一林新筍梢

種竹偏饒筍，成林候及春。一宵經雨過，千畝放梢新。綠吐枝枝嫩，青抽葉葉勻。增高鱗尾灑，潤自龍鱗風。動疎兼密雷，驚屈盡伸干。霄機鬱勃得地勢，嶙峋墮籜收籬畔。肥梅綻水濱，琅玕看到夏。招隱七賢人。

蓮動下漁舟

頗礙漁舟下，清溪總是蓮。盪開波渺渺，搖動葉田田。水底疑魚戲，沙邊警鷺眠。徐聞歌款乃，小颺色

澄鮮晝槩輕移過珠盤不定圓
櫂聲殘照裏花影
晚風前地僻秋開霽香多氣襲船
釣歸仍繫月綠
鎖一隄煙

晝長吟罷蟬鳴樹

已罷哦詩興餘音尙滿林
麝熏延永晝蟬響續清
吟手倦拋黃卷身閒坐綠陰
何來聲嘒嘒但見碧
森森露葉高低幄風絃自在琴
小年遲日度午夢
睡鄉尋倡和原無意悠揚似有心
讀書求所樂當
境始知深

拙齋外集

卷上

五

江畔洲如月

地闊洲翻小天寬界愈降週圍潮打岸不夜月臨
江蘆白分晴浦菰青沒釣缸煙攬齊點九影對日
輪雙鸚鵡思題句螭螟笑此邦微雲棲短樹片石
莫奔瀧棋布諸仙島星羅幾畫艘遙知波浪裏隱
隱吠村龍

牧童敲火牛礪角

石鼓今猶在昌黎紀詠歌火敲童子集角礪犢羣
過曉徑停青笠春田卧綠莎
斧聲驚雀鼠耕力闢

蛟龍紫電飛光細蒼苔損迹多燧非鑽木取字訝
觸牆訛至寶誰呵護殘文日盪磨一般同寄慨荆
棘翳銅駝

馬上相逢無紙筆

欲寫平安字其如馬上逢情懷言不盡紙筆覓無
從自昔辭章擅常將楮墨供偶憐虛射雁始悔快
乘龍鞍鐙馳千里音書滯一封空空惟妙手落落
是行蹤羈旅蕭條意風塵况瘁容羨他年少者露
布捷機鋒

拙齋外集

卷上

六

晚來天欲雪

雪意渾無定徘徊向晚天刻期思詠絮作勢欲飛
棉日落長空暗雲垂大野連龍公遲布署鴉陣屢
盤旋白戰姑徐待黃昏倍凜然風號先竹傍香動
已梅邊盼澤農翹首吟寒客聳肩酒杯擎在掌能
飲問詩仙

未隨埋沒有雙尖

馬耳山頭雪雙尖對北臺未隨埋沒盡差慰眺遊
來峰訝高寒並囊疑脫穎纔斯形成匹偶此境極

崔巍萬徑蹤全滅千巖凍不開出奇真罕見角勝
儼相陪但少圓通相應稱磊落才笑他銚鈍者阿
附避嫌猜

荷錢

誰把慳囊破輸將到水濱荷舒千葉小錢鑄五銖
新雨蓋擎猶早風波擲漸頻莢榆同數去絲柳倩
穿勻助買漁翁醉渾忘浣女貧青依廉吏舫選中
甲科人蚨可飛還復蛾休認作真藕花溪上問管
領是何神

拙齋外集

卷上

七

稻孫

農服先疇業耕耘課子孫禾還貽厥後稻亦仰承
尊風雨連登歲雲仍繼美村立苗繩祖武衍慶到
靈根秀並蘭芽毓支分竹筍繁送香黃入抱繞膝
綠如屯扈趣丁男耒蠶纘子婦盆
聖心殷保赤不放吏臨門

姚黃魏紫

國色天香品由來重牡丹黃推姚氏最紫向魏家
看配菊開嫌晚評薇興未闌兩邊馳美譽異地蔚

奇觀相業會先宋鄰封舊近韓低捐鶯翅薄斜掠
燕襟單富貴聲華並尋常位置難河陽花一縣價
值減騷壇

隔葉黃鸝空好音

丞相祠堂在當春草木深聽鸝空有感隔葉自成
音漢祚呼難返星芒叫已沈閭閻猶似昔簫管抑
何心宛轉新簧韻蒼茫老樹陰陽阿真寡和梁甫
久無吟獨客携柑訪荒山戴酒尋聞鶡曾下拜對
此淚沾襟

拙齋外集 卷上

八

刑期無刑

上理期刑措刑非特用刑無爲欽郅治有恥格明
廷濟猛宏開網敷仁早樹型恩惟施雨露威不懾
雷霆夏楚矜膚受秋官頌德馨息爭衣化赭空獄
簡書青典縱閑邪設車仍泣罪停禹謨資弼畫三
宥肅箴銘

並坐不橫肱

曲肱曾作枕偃卧或忘情坐與賓相並儀昭體不
橫論心方在座防意儼如城席辨東西嚮杯辭左

右擊此交懲畔越彼度肅衡平把臂衷懷見隨肩
次序明鴻溝嚴劃界蟹跪笑旁行暫接承筐雅還
聆鼓瑟聲

畫虎不成反類狗

畫虎原非虎其如畫不成非彪形孰是類狗狀難
名盡失生風猛徒令吠日驚負嶠空想象守夜儼
關情足等添蛇贅疑滋別價爭何嘗威可假只合
鞞同評末路英雄悔危詞教戒明伏波書示後士
莫盜虛聲

拙齋外集

卷上

九

鸚鵡誦經

是孰調鸚鵡喃喃解誦經隴山禽入貢御座鳥通
靈曲奏霓裳罷筵搥羯鼓停飼將香稻粒携出碧
紗櫺有懺心何悔能言舌亦馨楞嚴清晝課趺坐
美人聽雪羽憐消瘦天花墜杳冥那堪逢蜀使重
問雨淋鈴

蝨念阿房宮賦

在昔阿房賦流傳手筆工人多賡古調蝨亦豔秦
宮視牖如輪後尋聲出被中似歌還似諷宜雅復

宜風技本搔逾癢心由貫始通駒馳三世促蟣笑
六王雄聚族肥饒慶斯文詠歎終雞談能破寂軼
事紀應同

牛觸牆成八字

豈因書挂後亦漸解文章牛觸聲鏗壁龍擊字在
牆儼呈形嶽嶽默會意揚揚結構分行雁規模挂
角羊性原馴水草力頗勁鋒銚漏雨痕休擬耕雲
事未遑牧童求智慧詩婢報匆忙物類潛通感康
成教澤長

拙齋外集

卷上

十

不是花中偏愛菊

有菊原堪愛何花不動憐須知情所注非是意之
偏檐李春會賞源桃境亦仙回頭皆冷淡到尾獨
纏綿違俗渠爭說耽奇我豈然可爲知者道難索
解人傳坐對千枝豔飢餐一徑煙待誰懷抱訴高
詠向籬邊

得月梅移影上窗

安得移梅影蕭齋伴酒釭簷低俄見月影瘦却當
窗凍萼煙微鎖爭春雪肯降涼蟾徐破寂棲鶴忽

成雙虛掩疎疎格斜欹短短椿晝疑添墨筆座欲
撒銀釭有客停琴趣誰家擲笛腔夜涼香暗動對
鏡敲吟噓

纔有梅花便不同

未有梅消息尋常月照空纔經疎蕊放不與曩時
同笑索茅簷外吟耽草閣東天心教逗露石骨倚
玲瓏眼換雙瞳白妝添半面紅脩來曾幾世吹過
是香風氣候寒暄裏光陰瞬息中脫胎詩驟進點
化一何工

拙齋外集

卷上

七

龍公試手行初雪

小試龍公手寒天雪降初雲興憑反覆雪集自空
虛碧海回冬蟄丹霄捧勅書指煩將蝶翦臂想肖
猿舒玉戲神仙術銀裝世界如撒鹽工比擬擲米
賽紛拏月姊教藏避風姨助吸噓下方農望歲螟
患仗驅除

息夫人不言

數載徒傷已夫人竟不言戴天讐未報亡息事難
論南國承新寵重泉隔舊恩緘愁心自苦有口舌

常捫默默無情緒盈盈但淚痕綺羅羞楚服桃李
鎖宮門啼鳥春餘恨將雛子已繁蔡侯終被禍一
笑語温存

李陵答蘇武書

漢闕還蘇武邊廷滯李陵交情中道隔贈答尺書
憑故國頻搔首遐荒慟撫膺悃忱明未得肝膽吐
猶能力爲孤軍屈身經百戰會刀環空有望朝議
已難勝慘別傷妻母宮刑累友朋孤恩長已矣努
力飯如增

拙齋外集

卷上

七

李白長流夜郎

死罪青蓮贖長流到夜郎冤奇由迫脅命阨是文
章仙本從天謫人難恕酒狂丹砂虛有願白髮竟
投荒雨露恩疎闊關河路渺茫隨身詩幾卷搔首
淚雙行海畔愁遷客山東說故鄉赦書他日到功
大爲汾陽

煙光凝而暮山紫

暮景逾朝景滕王閣外山光凝煙靄巖色化紫斑
爛竹木沈青靄藤蘿斂翠鬢半規銜落日一氣接

函關薛壁陰全暗楓林葉盡殷雲隨殘雨過烏帶
斷霞還樵爨巔崖裏鐘聲古寺間如妝看不厭已
逗月鉤彎

千古江山北固多

放眼江天闊扁舟北固過六朝流水去千古好山
多海氣青浮蜃嵐光翠擁螺腸迴支派別指顧蔚
藍拖日月驚濤逝雲霞疊嶂羅戰場餘荻葦蕭寺
悶藤蘿楚尾吳頭地銅琶鐵撥歌何如逢

帝世帶礪慶咸和

拙齋外集

卷上

三

詩卷長留天地間

巢父耽詩癖辭官且唱酬古今同調少天地一編
留壽世陽春曲蜚聲白雪謳才華原獨步草稿亦
千秋憾並無毫髮光真燭斗牛詞場餘嘯詠世事
聽沈浮金石恆春固江河不廢流榮情簪紱者沒
世及君不

釣竿欲拂珊瑚樹

海上珊瑚老如何滯一官拂衣甘避位垂釣欲持
竿蓬島投身穩絲綸寄興寬功名輕露草消息試

風湍肯被朱纓絆休教鐵網殘煙霞高士癖簑笠
達人觀大澤龍蛇隱深山太璞完迷津誰解問東
望路漫漫

桃花雨

幾陣清明雨夭桃正發花陰籠脩禊節香膩野人
家流水春同遠東風柳共斜沛然資以潤穠矣詠
其華添得溪頭浪蒸成洞口霞燕鶯村十里簑笠
路三义泥滑剛挑菜天晴待採茶壓簷桑柘影濕
翠已交加

拙齋外集

卷上

古

春草碧色

一片銷魂色隄邊草又春深青濃似染空碧淨無
塵雨後詩情逗煙中畫意陳綠含新葉嫩紅襯落
花勻掩映長天影萋迷遠水濱纔能埋馬足無那
送車輪展齒香泥印裙腰古黛皺蒼茫南浦路凄
絕別離人

春水綠波

載得輕舟去無情此綠波却看春色遠那抵別愁
多雨霽頻捎燕風輕欲縹螺紅飄花片過淡惹柳

煙拖岸閣鞞紋細潮平鏡影磨漲痕迷鴨首漁唱
答驪歌蘸碧三篙淨搖青一棹過歸人南浦外別
意渺如何

一枝紅杏出牆來

盡日門長掩春光儼獨私難瞞紅杏豔讓出粉牆
枝吝免貽鄰笑斑休陋管窺茅茨風定候薜荔雨
侵時木有爭榮質花無肯閔姿仰攀高位置俯視
謝樊籬竹筍嫌相逆桑條採尙遲簪英人第一得
意壁間詩

拙齋外集

卷上

五

林茂鳥知歸

林茂無人境巢藏鳥自知立當陰翳處待到暮歸
時鴉鵲携雛小牛羊下隴遲紛紛投遠碧杳杳託
深枝樵笠斜陽徑山鐘灌木祠葉驚聲雜杳雲護
影參差客况遊蹤倦村居卜築宜何如

楓陛近

阿閣鳳來儀

首夏猶清和

婪尾春纔去風光夏若何最宜天淡蕩猶是氣清

和紫燕尋巢熟黃鸝占柳歌峰巒蒼靄合門巷綠
陰多暑雨微微至薰風陣陣過琴音挑指滑酒意
上顏酡人並思夷惠衣徐檢葛羅小年方永晝棋
罷足吟哦

綠陰幽草勝花時

莫道花時過豪情轉勝花綠陰天一角幽草路三
叉樹古團成幄隄平輭趁車自然添韻致隨意洗
繁華碧滄眠琴地青連賣酒家風光迎夏好人意
惜春差罨畫尋溪轉扶筇到水涯是誰工品第題

拙齋外集

卷上

六

句劍南誇

黃梅細雨麥秋輕

輕暖輕寒候園丁報熟梅番風花信了細雨麥秋
纔鳩語煙林密蠶時雪穗堆陰雲籠巷陌晨氣潤
樓臺淺潦波添得平疇浪捲來香風思餅餌酸滴
濕莓苔角黍筵將設腰鎌事漸催

時巡占大有霑漑

澤流垓

團扇風前眾綠香

團扇輕攜去風來覺有香殘紅銷四月眾綠鬻千
章薄暑齊紈製濃陰夏幄張動搖懷袖裏馥郁戶
庭旁霜雪纖留影蘼蕪競吐芳涼颺隨玉柄清露
滴琴牀寵入班姬詠詩探李賀囊逢秋休致感撫
景日方長

沙泉鹿迹新

早踏寒流去幽溪鹿避人尋來聲息杳留得爪痕
新沙淨鋪成雪泉清瀉若銀銜將萃葉過旋出水
渦勻鴻印參隄畔仙蹤訪澗濱白雲空谷路蒼蘚
拙齋外集卷上

七

古時春在野羣偕豕升堂禮接賓

皇慈能格物

靈囿獸皆馴

檣燕語留人

風引危檣去行人不可留多情惟舞燕軟語傍輕
舟別淚桃花水春程杜若洲歌驪誰鄭重此鳥太
綢繆錦纜徐徐解紅襟款款投聽從篷背近喚起
客心愁意欲萍蹤住音難絮聒休生憎江岸畔冷
眼幾閒鷗

獨騎瘦馬踏殘月

瘦馬辭羣出霜蹄踏曉寒山程騎獨往月魄照初
殘破鏡三家店平沙十里灘度來鈴響緩鋪徧水
痕乾款段衝煙早囊裝顧影單吟惟纖兔共跨當
蹇驢看伴惜同心少支愁病骨難春風年少日回
首憶長安

嵇琴阮嘯

嵇康稱曠達阮籍號猖狂山水琴能韻風煙嘯共
長藉杼懷抑塞難遏氣昂藏苦調淒鸞鶴清音激

拙齋外集

卷上

六

鳳凰再彈江月白一喝嶺雲蒼自謝形骸束都教
禮法忘青霞奇意鬱皓首暮途傷留得高名在遺
蹤溯渺茫

冷露無聲濕桂花

露氣兼花氣香飄桂樹榮開遲能耐冷濕透却無
聲夕秀浮馨遠宵涼耀彩明豔堆金粟重塵洗玉
階輕上界蟾剛滿深叢鶴不驚留人秋闋寂對景
夜澄清林表寒潛覺庭除潤暗生小山瞻在望玩

月賦詩成

飽去櫻桃重

一飽飢蚊腹悠然去似逃輕原如柳絮重儼比櫻
桃著色唇脂借觀空背癢搔階防經雨墮力本負
山豪夏果嘗新未風軒拂意遭問誰能手摘於我
屢膚撓白晝驅纔散黃昏聚又囂艾煙薰暑夕門
徑足蓬蒿

歸馬春紅踏錦泥

鞍馬尋春倦歸來踏輦紅花殘疑錦是草淺覺泥
融繡錯平疇接茵鋪大地同輕塵朝雨後飛轡夕
拙齋外集 卷上 九
陽中驛路胭脂畫郵亭蛺蝶風鳥聲呼滑滑人影
去匆匆陌紫行剛徧山青望更工長安遊記否
帝里昔乘驄

蟹輸稻

率土供王稅西成蟹亦輸水村方穫稻海國豈蠲
租郭索爭先往尖團應募趨魚逢占夢驗扈憶趣
耘呼擁戟如嚴備橫戈儼戒途賦侔忙上下產貢
地膏腴在腹生芒刺虛中按卦圖咸亨欽

有位

恩洽介鱗孚

山高月小

赤壁重維棹蒼茫景換秋山高爭到眼月小正當
頭碧嶂千尋聳青天一點留勢難緣逕上光不掩
星稠木落諸峯出江寒宿霧收危崖攀去陡薄暈
繞來週鼇柱森森立猿聲夜夜愁羽仙飛過去何
處是瓊樓

不隨黃鵠飛

黃鶴冲霄去休隨作隊飛不因雙翅薄肯使一心

拙齋外集

卷上

三

違慕鶴離羣慣嘲鵝比翼非豈無良木擇只合故
巢依族任翩鴻附情慚類鶩譏高林宜獨步空谷
渺忘機露宿梳翎懶雲棲託意微稻梁謀苟遂伏
息是知幾

半江紅樹賣鱸魚

鱸美誇吳會江干正賣魚白蘋遊客訪紅樹釣人
居蓴並三秋熟花疑二月如跳梭纔出網讀畫欲
停車林角新晴後潮頭到郭初曉霜然灼灼晚市
喚徐徐玉尺鮮波裏丹屏落照餘水鄉無限好留

覽屬樵漁

還來就菊花

雞黍句留日田家菊未黃
還來期後約相就待重
陽此別三秋近他時一
院芳扶筇堪採擇把盞預
商量佳節愁多雨寒天喜
降霜詩豪無負汝酒伴
定携將肯共開懷飲何勞
折柬忙西風消息到早
爲滌壺觴

戶映花叢當下簾

戶愛花叢映終朝不下簾
却看陰翳翳便當影纖

拙齋外集

卷上

三

纖障日紅微顛搖風翠欲黏窗
虛遮自密室靜做
何嫌香界週圍是涼波入望兼聽鶯
惟隔座誤燕
屢窺簷階露晨猶滴鑪煙午更添
缺還留一角正
對遠山尖

盡垂簾影隔春寒

怯把珠簾捲天寒盡日垂
隔將春咫尺留得影參
差社雨廉纖節湘波蕩漾
姿有痕成霧縠無隙透
風絲翠箔庭隅界紅梅檻
外枝籠嫌鸚喚屢巢任
燕歸遲酒夢惺忪覺鑪香
蘊蓄知課晴須問卜消

息捻吟髭

二分春色在花朝

每到花時節尋春喜十分
詰朝宜慶賀其色尙氤
氲暖日蒸猶嫩番風報漸勤
生辰天與作消息雨
剛聞歲序爭流水虛空養淡雲
照來宵月朗話向
夕陽曛芳信寒微勒吟懷酒半醺
韶年教且住易
別是東君

春寒花較遲

欲展看花眼花偏到眼
遲祇因寒燠異殊有較量
拙齋外集 卷上 五

思已過清明節仍空麗
殿枝暮簷猜雪意曉幕怯
風絲綠瘦憐今日紅酣憶
昔時朋儕多負約草木
竟愆期間訊連中酒催妝
屢詠詩

上林和煦早

睿賞錦離披

春來徧是桃花水

何止三分水春來望眼賒
隄長環柳樹浪輒泛桃
花南浦蓬蓬勢東風灼灼
華綠添新雨後紅到夕
陽斜源遠迷漁艇潭深送
客槎有溪皆罨畫無處

不流霞景物肥思鰾光陰暖浴鴉乘舟隨意去直
到武陵家

綠樹陰濃夏日長

花落池塘靜新添綠幾重日長知節換樹茂覺陰
濃歲月壺中駐煙雲戶外封槐廳天卓午蓮界漏
丁冬隔葉鶯聲轉偎枝鶴夢慵蔚藍澆暑雨空翠
撲遙峰絕境詩中畫鄰庵飯後鐘琴眠棋倦後宴
坐儘從容

樓臺倒影入池塘

拙齋外集

卷上

三

倒影誰推入池塘一鑑開綠陰分竹木碧水浸樓
臺雲豈空中結家移鏡裏來層簷窺複疊全勢壓
崔巍直訝龍宮現休將蜃市猜靜如泥印印洞關
境恢恢鳥誤翩躚下魚驚撥刺回天然圖繪就題
詠屬仙才

聚蚊成雷

莫謂蚊微細須知聚有聲隆隆雷忽動黯黯暝剛
成不藉雲頭起偏隨雨脚行合來疑霧滃散去喜
天晴收待三秋過聞教百里驚偶將燈影照只道

電光爭每逐陰霾出還乘氣化生親帷驅未敢泣
墓本同情

銀漢無聲接地流

碧落橫銀漢涼波溢素秋聲聽天上杳勢接地中
流玉宇初開霽珠簾乍上鉤一繩斜屋角百斛湖
源頭風露澄遙夜江湖屬下游凌虛看鵲駕飲澗
訝虹投倒影涵星海無言渡女牛乘槎仙客返終
古浪悠悠

雪聲偏傍竹

拙齋外集

卷上

四

寂寥深巷雪傍竹易聞聲只爲窗多種偏教夢屢
驚滴疑參露重響悟到梢清玉截難勝壓風捎本
善鳴有枝皆憂憂無葉不錚錚宵漏催何急冰簷
凍已成暗搖千萬个迸入短長更頭白明燈裏思
家臘夜情

拙齋外集卷下

目錄

窮巷無人車馬絕

案頭乾死讀書螢

鶴與琴書共一船

天際識歸舟

明月松間照

荷花嬌欲語

竹嶼見垂釣

拙齋外集

卷下

目錄

雪芽爲我求陽羨

寒菜一畦

紙屏石枕竹方牀

酒旗風影落春流

寒山

祭魚禱雨

春風又綠江南岸

又展芭蕉數尺陰

花片飛紅點硯池

柳繞溪邊荷繞屋
花爲四壁船爲家
依舊青山綠樹多

重與細論文

萬木無聲待雨來

起視江月斜

窗葉挂蟲絲

伯仲之間見伊呂

江上晴雲雜雨雲

拙齋外集

卷下

目錄

烏啼當戶竹

細葛含風輭

倚樹聽流泉

城頭樓最高

青山當縣門

無邊落木蕭蕭下

天外黑風吹海立

撞鐘擊鼓聞淮南

斷霞半空魚尾赤

一心呪筍莫成竹

漏聲遙在百花中

山向吾曹分外青

前題

回頭錯應人

秋冷先知是瘦人

鼠穴苦銜詩稿去

自有清風爲掃門

司空圖廿四詩品

拙齋外集

卷下

目錄

鳥中之曾參

蘆葦花中一點燈

馬飲清泉踏淺莎

青山朝別暮還見

草屈金鉤綠未回

金鑪香燼漏聲殘

江涵秋影雁初飛

遠山晴更多

水母日蝦

風定花猶落

蝗化爲蝦

共登青雲梯

草色遙看近却無

春風吹又生

百歲老翁攀枯枝

清淮一日兩回潮

雪打書窗竹葉乾

幽花如處女

拙齋外集

卷下

目錄

舊書細讀猶多味

前題

天轉江南碧玉寬

萬里無雲稱鶴心

移琴避燕泥

風定曉枝蜂蝶鬧

山月隨人歸

電眸虎齒霹靂舌

綠槐風透紫蕉衫

拙齋外集卷下

丹徒南星高壽昌長齡著

試體詩

窮巷無人車馬絕

要路喧車馬誰驅此巷前
一生原寡合四壁况蕭然
舉世炎涼態斯人冷淡緣
門長扃白板座只擁青氈
形影徒相弔公卿孰見憐
敢云顏樂在虛想足音傳
微雨蒿三徑淒風屋數椽
輕裘同學者盼杏信年年

拙齋外集

卷下

一

案頭乾死讀書螢

莫謂書能照而矜讀伴螢
未乾誰憫惜不死亦彫零
近杖曾分紫于囊舊閃青
雨風終夕對寒燠幾番經
漸漸如朝露沈沈似曉星
槁苗思灌溉腐草失精靈
灰待噓重熱天憂醉不醒
微光希我藉邀月到疏櫺

鶴與琴書共一船

雅稱衙齋鶴囊琴與篋
書移將千里去共作一船
儲長物他何有浮家迴
自如樊籠教閉爾絃誦足

資余警露聲徐引推蓬座不虛招來雲壑伴潤到
雨晴初薄宦聊分俸輕裝且卜居閒官清似水此
外更無餘

天際識歸舟

一水渾無際征人尙未歸帆從天外識舟入望中
微極浦新蘆雪滄江舊蓼磯片雲情戀戀落日思
依依檣影隨烏轉鄉心逐雁飛煙開牛渚夕風借
馬當威估客猶眠浪村童已候扉遊蹤塵海倦詩
意感元暉

拙齋外集 卷下

明月松間照

誰把團圞鏡無端挂碧松却看明月照不礙碧雲
封露洗冰輪淨陰分石徑濃斜光驚鶴鵲寒色逼
虬龍坐合將絃理量宜倩帶鬆風清當此夕瀉捲
自前峯顧影青霄迥凌虛翠蓋重山深林更密破
寂一携筇

荷花嬌欲語

荷淨涼剛納花開又此朝含情渾欲語作態不勝
嬌水榭吳姬集湖船越女招香徐供鷺領歌待學

鶯調鶻素眉通意衣紅臉暈潮褻須防太近賞足
破無聊暑雨澆嫌猛晴曦曬恐消凌波誰採得乞
與付詩瓢

竹嶼見垂釣

不見幽棲所行行竹嶼間與盟惟白水垂釣此青
山鳥亦憎生客花都笑俗顏地猜淇澳近蹤溯渭
濱還雨外新叢笠煙中小髻鬟篋管排密密磐石
坐閑閑一艇依巖宿雙扉待暝關得魚呼共煮高
躅許追攀

拙齋外集

卷下

三

雪芽爲我求陽羨

束裝陽羨去易得是新茶爲我探雲窟煩君購雪
芽記從霜後摘莫忘雨前誇入境吳歛聽尋溪剡
水斜好同梅共寄不比酒堪賒飲預吟詩待償休
道願奢翻匙嫌尙早落磴本無瑕白甌封題後伴
來謹拜嘉

寒茶一畦

歲宴嚴寒逼生涯茶一畦霜根餘灌溉露葉臙淒
迷老圃三間屋荒村半畝溪綠難勝壓雪黃漸欲

成泥小徑誅茅窄疎籬繞戶低
勵當融凍後烘待夕陽西
種少逢年饑耕遲待雨犁
牀頭焦麥甕滿滿更相携

紙屏石枕竹方牀

供我安牀枕蕭齋做紙屏
方圓隨嗜好竹石製瓏玲
位置參窗几幽閒占戶庭
十聯詩句在一夢午時醒
琥珀光輪紫瀟湘色暈青
簟涼宜過夏紗薄不遮櫺
我愛吾廬戀人廣陋室銘
會邀揮麈者促膝聽談經

拙齋外集

卷下

四

酒旗風影落春流

招得行人住臨流一酒旗
波涵春淡蕩風落影參差
野店藏花塢高竿出榷籬
挑來青滉漾界破碧漣漪
竹葉香浮候桃花浪輒時
綠黏新雨重紅逗夕陽遲
輕燕低相掠眠鷗靜不知
老漁開醉眼來讀畫中詩

寒山

雨洗秋妝卸寒容見遠山
煙痕凝石上霜氣蕭林間
瘦骨撐千疊脩眉畫一彎
際天殊料峭作態自

蕭閒凍鎖涼雲影晴封古雪斑亂鴉盤薛壁老鶴
守松關春意梅花勒冬心木葉刪好偕郊島輩策
杖共躋攀

祭魚禱雨

禱雨稱奇驗昆明信有之刻形魚藉石弭旱祭臨
池鬻尾渾搖動神靈默主持居然霖可致莫道物
無知蘋藻擧芳薦風雷盼澤施旌旗波上影簫鼓
漢時祠肅肅祈斯應茫茫理孰窺桑林躬自責乃

副

拙齋外集 卷下

五

聖襟期

春風又綠江南岸

東風榮岸草記昔到江南又值青春轉依然綠意
含噓乘羊角便映以鴨頭堪楚澤波迷浦吳峰黛
染嵐微和將氣鼓遠色與天參旅思王孫觸吟懷
庾信諳屐宜循徑踏夢憶隔年酣故里蘼蕪長花
村好去探

又展芭蕉數尺陰

自種芭蕉活尋常綠已深一宵纔得雨數尺又添

陰不料書成字居然欲滿林池篁爭簌簌庭柏助
森森合拓三弓地全舒半捲心富來懷素紙眠得
伯牙琴牆缺將雲補窗虛礙月臨鹿蹤深更杳夢
境幾沈吟

花片飛紅點硯池

坐惜名花卸時飄一片紅飛來書案畔點到硯池
中牆角疏疏兩窗虛嫋嫋風撲兼塵細膩罅補石
玲瓏舞燕銜歸戶流鶯擲自空霞光烘几席春色
靜簾櫳宿墨沾逾潤研朱訝許同美人思嚼碎偷
拙齋外集

卷下

六

得吮毫工

柳繞溪邊荷繞屋

占盡林泉勝紅浮綠亦拖溪邊環弱柳屋外繞圓
荷拂水青絲蜜翻風翠蓋多有條皆繫舫無葉不
擎波路曲煙常鎖庭喧雨乍過滿村飛絮影四壁
採蓮歌此境宜春夏全家住薜蘿及時花與月相
賞足吟哦

花爲四壁船爲家

未忍輕拋去爲家卽此湖一船隨處載四壁與花

俱色淨香空界風餐水宿途雲霞環作堵窟宅據
由吾蝶使潛通未鷗盟許訂無紅牆新築是白屋
舊棲殊嘯詠惟煙月行藏付畫圖鴟夷呼不返酒
爲放翁沽

依舊青山綠樹多

煙雨空濛裏全遮樹與山撥開青窈窕露出綠回
環乍暗還明際疑無信有間峰巒如許好枝葉幾
曾刪草色村三徑波痕水一灣靈蹤探洞府熟手
繪荆關眼界重昏豁肩輿勝境攀纜知初見隘所
拙齋外集

卷下

七

得豹窺斑

重與細論文

當代齊名者文章昔與論一從違遠道重盼話清
樽難得襟同寫居然業共溫匆匆開卷冊草草具
盤飧舊稿煩芟冗新詞爲溯源本來胸雪亮那禁
舌瀾翻落月江東樹停雲渭北村相思仍兩地永
矢弗能諉

萬木無聲待雨來

萬木心如渴炎天盼澤來有時聲息屏直待雨師

催雲影全遮日風絲不動埃蛟蚪遲恣肆鳥雀絕
喧虺谷暗斜飛電峰遙怒鬱雷肅於軍聽令寂若
士銜枚急陣俄焉至驚濤倏爾回還聞箏筑韻傾
瀉向樓臺

起視江月斜

卧覺寒宵永江船宿永嘉起看潮漸滿仰視月剛
斜對鏡天疑曙披衣露有華波光搖浦澹秋思渺
蒹葭銀漢低相映羅雲淡不遮雞聲催埃館人影
落灘沙古渡漁吹火扁舟客憶家參橫星斗轉曉
拙齋外集 卷下 八
色入驚鴉

窗葉挂蟲絲

窗樹霜彫後秋蟲正吐絲胃來新脫葉挂向最高
枝烏几剛憑候蝦簾乍捲時將飛還裊裊欲下故
遲遲墮雨痕猶戀當風力不支詩投流水寄情較
網花癡蝶訝翻空住蠶餘上箔思巡簷吟句就搖
曳筆生姿

伯仲之間見伊呂

相業隆諸葛誰爲伯仲間蕭曹慚小吏伊呂闕賢

關莘野高風溯礧溪後載還美將先後繼蹤許古
今攀具體儒希聖仔肩責孔艱君恩三聘重軍務
六韜爛事豈論成敗名俱仰斗山少陵精論斷遺
象肅心顏

江上晴雲雜雨雲

倏忽更晴雨江空不散雲波涵姿靉黓山雜氣氤
氲樹色明還暗嵐光合復分絳霞纔片片白點又
紛紛薄日峰腰漏輕雷水面聞數重交蜃市一半
隱龍文界以長虹影摩將老鶴羣扁舟留客住讀
拙齋外集

卷下

九

畫意殷勤

烏啼當戶竹

當戶多栽竹能招小鳥棲數竿終日對百舌盡情
啼翡翠投林宿琅玕拂牖齊蔭分鄰左右曲奏解
東西雨過喉教潤風捎尾忽低鶴休嫌伴少鳳讓
到門題廳事閒應下牆陰夕易迷草堂賓戾止便
當管絃攜

細葛含風輒

細葛新裁出爭誇體製工輕看侔疊雪輒自覺含

風似水吹初縹如煙罩向空採經南國婦披到北
窗翁詠葉萋萋憶噓蘭息息通涼生襟若浣暑却
扇無功品或珍絺上陰曾施谷中香羅誰共賦杜
老賞心同

倚樹聽流泉

古寺人蹤少尋幽樹與泉倚來芳草徑聽徹夕陽
天地脈分支出松根合抱圓打頭防墮葉洗耳向
鳴絃鶴懶驚將起鷗閒夢自然竹陰搖側側石溜
咽涓涓樵斧岩通響漁舟語隔煙斯須題壁去狂
拙齋外集

卷下

十

客李青蓮

城頭樓最高

郡勢城頭最猶嫌境未高層樓臨絕地飛檻俯平
皋丹級雲梯矗朱竿霧旆挑膝前羅堞雉足底跨
峰鼇旅思聞笳警詩情倚笛豪星辰齊上界風雨
繞長濠縹緲迴仙馭攀躋屬我曹陝州剛送客車
馬惜勞勞

青山當縣門

縣在千峯裏當門卽是山自憐非俗吏不信住塵

寰空碧浮簷際濃青落座間鳴騶迎爽出抱牘看
雲還訟靜庭逾靜官閒境更閒但將朱戶啟便當
翠屏環猿鳥晨趨市漁樵夕款關會邀裙屐輩暇
日共躋攀

無邊落木蕭蕭下

颯颯聽如雨蕭蕭落滿川霜威催眾木秋色莽無
邊白帝城剛倚青楓界本連參差銷岸碧迢遞下
灘煙斷角催殘照疏砧帶遠天鴉驚聲雜杳雁掠
影翩躚楚塞諸山出吳江冷信傳少陵新得句禿
拙齋外集

卷下

七

髻感流年

天外黑風吹海立

颶風天外至疑有黑雲隨大海軒然立狂飈不斷
吹鵬搏霄忽暗鼉負力難支影逼千鴉落聲聽萬
馬馳半空陰黯黹九仞壁欹危霧氣噓如墨峰形
卓似錐沙黃都失色濤白不知涯涉險休云慣東
坡駭詠詩

撞鐘擊鼓聞淮南

撞擊聞何處金山勝迹探樓臺橫郭北鐘鼓達淮

南塵夢朝朝警禪機暮暮參大鳴雄佛國清梵滿
江潭境界吳頭記程途楚尾諳鯨鏗無秘響鼉吼
有餘酣燈火揚州郡旌幢海嶽庵一時傾耳者髣
髴坐同龕

斷霞半空魚尾赤

魚尾殊奇幻晴霄帶斷霞半空青靄失一角赤城
遮日脚熏如醉波心躍豈差望中疑在水旋處欲
生花過雨斑斑見隨風段段斜雷驚燒後燄丹潑
鼎中砂漸落烏藏曜將銷月有華江天延夕賞最
拙齋外集

卷下

三

好是漁家

一心呪筍莫成竹

筍癖兼詩癖多情反薄情莫嗔心善呪爲要竹遲
成傍砌抽偏速穿泥怒易生暫教機遏抑頗費計
經營技效僧持鉢防同意是城放梢嫌雨足解籜
怪雷驚口腹從吾好頭銜且慢爭禪師如見諒玉
版永留名

漏聲遙在百花中

百花圍禁籞待漏早趨朝顧影香微動聞聲界尙

遙春先歸玉樹人似上瓊霄露滴時相和風來漸
欲消上林枝簇簇永巷夜迢迢絳幘催傳箭紅牆
不隔橋龍樓初隱約鳳闕已峇堯唐代承平盛詞
臣紀頌謠

山向吾曹分外青

識得吾曹否開門試問山送青痕不斷踰分意相
關對面諸屏障低頭眾髻鬢鍾靈原佛地投契是
仙班玉局真名士蒼巖啟笑顏斯遊風邁古誰道
石偏頑賞愜琴樽畔神交霧靄間金焦峰咫尺無
拙齋外集 卷下 三
福敢登攀

前題

洞府神仙住尋常未許攀勝遊臨勝地名士稱名
山向背金焦界紛羅玉筍班態濃知意遠見晚恨
緣慳便欲騰身上先將俗骨刪幾時曾識面無客
不蒼顏天地容高傲煙雲契往還千秋蘇學士放
眼藐塵寰

回頭錯應人

應對人無錯都從耳畔收視剛專注目聽驀誤回

頭諾已探喉出聲難轉項留此衷虛善納彼分粹
相投似覺音會熟其如面未謀恕雖蒙若輩笑不
免同儔鑄亦奚爲者追還及得不所嗟增老態萬
事遜先籌

秋冷先知是瘦人

秋至人偏瘦稜然傲骨支不妨吟太苦只是冷先
知一葉岡梧信疎花圃菊姿帶圍量覺減刀尺握
嫌遲觸動蓴羹興嘲將飯顆詩沈郎腰極細潘岳
髻如絲健翻輸鷹隼飢容到鷺鷥歲寒何以保清

拙齋外集

卷下

十四

節貴堅持

鼠穴苦銜詩稿去

得意新詩稿仙心迥不凡未妨人盜襲苦被鼠偷
銜狡甚穿墉術苛踰覆甕讒枉勞搜厯厯猶記誦
喃喃汝孰無牙謂吾姑割愛芟張湯思定律殷浩
悵空函牢笑亡羊補書憎飽蠹饑護持虛設想神
物儻森嚴

自有清風爲掃門

竟日無人到山居遠俗喧自來風掃地不擁簞迎

門籟籟松間逕蕭蕭竹裏村一錢何用買兩袖故
交敦塵土從他撲林泉讓我尊那須珍敝帚莫道
少司閭市笑趨炎走庭羞附勢奔願將高枕意持
與北窗論

司空圖廿四詩品

中條山下隱表聖只論詩廿四超超品千秋卓卓
詞金鍼將世度玉尺讓君持譽過三長擅嚴爭一
字師雲臺希將畧風信數花時地繼名橋迹人興
孝子思蟬聯編草稿鱗次寫松枝畢竟篇三百無
拙齋外集

卷下

五

邪足蔽之

鳥中之曾參

至性關天賦人中更鳥中瞻鳥思類錫云孝與參
同養遂頤觀朶恩酬羽乍豐居然微物意亦有大
賢風啼每逢霜夜棲疑傍魯宮羔潛孚跪乳梟解
避當空返哺無朝暮推誠卽恕忠翻喙形似者好
勇舍徒雄

蘆荻花中一點燈

蘆荻叢中泊漁舟睡未曾四圍疎密絮一點滅明

燈岸闌搖千穗芒寒透幾層團成陰匝照見水
清澗潮白花隨舞缸紅豆悄凝春星稀蟹舍秋雪
擱魚罾人語天將曙船移浪欲興遙知鄰舫內容
夢正曹騰

馬飲清泉踏淺沙

走馬清溪曲停鞍渴就泉踏來沙迹淺飲處漲痕
圓雲影天光裏蘆芽荻笋邊嘶遲看去棹立久待
投錢塵沆霜蹄淨波揩鏡面鮮斜陽閒宿鶯高柳
歇鳴蟬境觸將軍畫人懷祖逃鞭長城今罷役莫
拙齋外集

卷下

六

詠漢詩篇

青山朝別暮還見

已別還相見朝朝暮暮山一蓬青靄共百里翠屏
環岫複雲千疊溪長路幾灣去程無遠近片席在
中間纜解晨星白帆收夕照般回頭餘眷戀到眼
益孱顏縱被煙痕隔難將霧影刪
皇州霄漢上計日更登攀

草屈金鉤綠未回

草又萌生意榮枯憶轉頭描難供畫筆屈已到金

鉤螯想盡將啟伸憐螻待求鬱蟠看蚓結瑣屑餌
魚游澍雨甘徐灑墟煙淡欲浮雪銷鴻印在路古
燒痕留纖手柔頻指春心暗自抽一般乘氣化先
賞是

瀛洲

金鑪香燼漏聲殘

金鑪聲徐夜熏香燕一鑪篆紋看到燼殘漏聽疑
無裊裊煙餘座沈沈水滴壺淚濃垂臙燭點細數
如珠睡鴨灰頻撥驚鴉曙欲呼簾圍庭院靜鐘報
拙齋外集

卷下

七

寺樓紆氣候宵寒怯心情客况孤所思人不至歎
枕夢模糊

江涵秋影雁初飛

澤國初飛雁滄江已報秋水涵天淡蕩雲逐影夷
猶露重菰蒲岸煙昏荻葦洲數行題碧落一瞥過
紅樓涼信潮千里新聲月半鉤鄉書傳遠浦客感
在扁舟去侶應逢燕來程欲混鷗登高時節換詩
紀牧之遊

遠山晴更多

雨阻遊山興看山喜雨晴煙消無障翳天遠更分
明邱壑深還淺林巒送復迎殘虹餘一角空翠豁
雙睛雜沓名難問高低勢若爭眾峰銜落照疊嶂
抱孤城圖畫三秋景舟車百里程探奇渾不盡得
句亦縱橫

水母目蝦

莫笑盲於目冥然在水涯海鄉尊號母阿堵用憑
蝦蠹蠢斯形具蠕蠕彼相誇聽殊龍以角誚等鼠
無牙蝮腹能容蟹蠻巢等藉蝸但資先路導忍摘
拙齋外集 卷下 六

風定花猶落

浪助騰拏
容易吹花落庭除翦翦風有時噓乍定猶自墜當
空露壓枝欹綠霞擎攤暈紅十分春爛漫一陣雨
冥濛篆裊熏鑪直筵回舞袖工人歌金縷曲蝶醉
綺羅叢流水孤村外斜陽小院中生憎簷鐵韻昨
夜憂丁東

蝗化爲蝦

吏治純聲著當年宰廣陵蝗蝦原異類變化有奇
徵誠至神斯格災除數漫憑機潛通雀蛤幻直等
鯤鵬蝨賊蹤全戢魚鄉利倍增撈應同蟹獲飛不
逐蟲薨人事觀休咎天心卜愛憎饑荒非幸免遺
愛到今稱

共登青雲梯

石門深且窈棧道入青雲有約天梯共來登地脈
分杖藜携一一酒榼挈紛紛脩綆蒼藤影重階碧
蘚紋猿攀孤壁上鸞嘯半空聞客盡餐霞侶人疑
拙齋外集

卷下

五

取月羣林巒探曲折洞府闢氤氲上界神仙窟鐘
聲隔夕曛
草色遙看近却無

草色無還有春光近復遙青從看處是綠到踏來
銷野燒痕全在平原景費描境分高下岸界隔短
長橋但把裙腰指難將屐齒邀遠山猶隱隱流水
共迢迢淡欲和煙畫濃還待雨澆佳人遲問訊拾
翠過花朝

春風吹又生

野草燒都盡如何却又生風吹青自轉春到綠潛
萌氣化循環運光陰替代更剪刀聲拂過繡壤影
鋪平西顥纔收令東皇劇有情蒼茫天欲問蠹靡
類難名漸覺根株衍新承雨露榮階除鋤且去蘭
蕙長將成

百歲老翁攀枯枝

險絕清談語驚人競鬪奇翁幾忘百歲攀竟到枯
枝鳥宿愁難穩猿升恐不支居然緣欲上直當履
如夷古木年同朽脩藤影倒窺無人能繼踵此叟
拙齋外集 卷下 三
已期頤卵有傾巢懼鳩辭捧杖隨下來騎瞎馬夜
半更臨池

清淮一日兩回潮

不誤惟潮信朝朝願必諧兩回臨古渡一日詠清
淮汝泗淵源溯江湖灌注皆曉昏期有準子午候
無乖浪捲濤飛地萍飄梗泊懷胥應隨種至風與
月俱佳把釣魚磯岸浮家畫舫齋汪洋知海近未
易測津涯

雪打書窗竹葉乾

急響非關雨聽來葉葉乾朔風吹竹折密雪打窗
寒池館開三面瀟湘種萬竿尋常枝蔓玉頃刻絮
成團似蠅行剛近如蠶食未殘蠹應僵戶裏鵲罷
噪簷端礎凍苔思潤樛疎紙受彈時晴瞻瑞鸞當
牖報平安

春寒爲釀花

底事寒威甚天心特爲花故教春醞釀待看錦交
加絲雨露來濕尖風拂去斜棠梨徐孕蕊桃李暗
萌芽座倩團鑪擁庭遲羯鼓搗功將甜到蜜啼尙
拙齋外集

卷下

三

怯聞鴉消息詢詩伯情懷慰酒家簫吹晴旭暖紅
徧路三義

幽花如處女

其姝歌靜女窈窕最憐渠不謂幽花質居然彼美
如含芳空谷裏待字妙齡初綽約風枝吐便娟露
蕊舒問年梢豆蔻映日面芙蓉碧玉相呼汝紅窗
悄對余豈無真賞遇還恐自媒疎扶出榛叢內蓬
門態未除

舊書細讀猶多味

勤讀心猶細攤書趣若何味從温故得身已閱年
多舊夢青燈在新知白鐵磨雲煙重掃榻歲月等
拋梭效儼羹牆見調如鼎鼐和目爭光似炬口佐
辯懸河老至工夫賸閒來醉飽歌兒時回首憶一
瞬感蹉跎

前題

舊號藏書笥胸中萬卷羅讀來心自細覺得味猶
多難字從頭識良朋覲面過百家供饜飫五鼎想
調和老境忘將至兒時憶若何青燈如夙昔白首
拙齋外集 卷下 三
未蹉跎嚼蠟休嘲我囊螢肯讓 he 經腴相餉意晚
定付巖阿

天轉江南碧玉寬

地窄天連水江寬北控南磨圓青自轉玉淨碧相
參星野吳頭認雲津楚尾諳鍊餘媧氏石琢出美
人參瑕玷諸方少虛空一氣涵有峰皆拱璧無界
不拖藍淮海心胸拓金焦興趣耽擬還如卵色詩
話蜀岡談

萬里無雲稱鶴心

境與心相稱飄飄鶴不羣九霄翔片羽萬里淨浮
雲海撒蓬瀛翳天消霧靄氛便乘風浩浩想見意
欣欣子和重陰豁皋鳴上界聞盟惟宜皎日舞豈
屑斜曛欲共鯤鵬化休同燕雀云料難招肯住軒
寵謝慙慙

移琴避燕泥

生憎營壘燕時落倦銜泥避席身頻起移琴手特
携塵防汗玉軫戶悔做金閨流水停新奏空梁感
舊題無聊成獨坐有意讓雙棲琴韻雜談寂茶煙
拙齋外集 卷下 三

鶴夢迷芹拋珠箔捲花襯石牀低一鼓還三歎因
之誦白圭

風定曉枝蜂蝶鬧

多少閒蜂蝶乘春意恹時攢來風定葉開向曉晴
枝萬樹花開足三竿日上遲過牆喧去隊橫路攔
遊絲露濕娟娟影煙籠濯濯姿午衙官早放暑扇
婢先持錦幔遮難住金鈴護豈知惱人眠不得破
寂起吟詩

山月隨人歸

碧山看月好月亦照吾家信步歸程緩隨身寶鏡
斜縱橫星數點不于路三义地白非關水燈明不
隔紗無聲蟾自轉吹影犬微譁直共僧尋寺非同
雨應車藤蘿陰黠黠阡陌夜光華勿負姮娥意村
醪到便賒

電眸虎齒霹靂舌

霹靂探喉出吾師舌粲蓮電眸凝紫燄虎齒漱清
泉禪榻看經坐山齋抱石眠圓睜光射日長嘯響
驚天燕頷侯封相虬髯劍俠仙眉棱瞻卓爾牙慧
拙齋外集 卷下 五
想森然雨意僧寮外雷音佛座前寄詩相問訊寫
照素毫顛

綠槐風透紫蕉衫

樹綠兼衫紫清涼透好風槐新枝競秀蕉薄葉輕
籠濕翠浮簾外飛花落袖中絳雲搖匝匝香雪鏤
虛空露液侵肌滑襟痕映臉紅噓成君子德製就
美人工座聽蟬吟一珍誇鶴氅同蓉裳秋試著朝
吹又梧桐

